



## **Universitätsbibliothek Paderborn**

**Francisci Toleti S. R. E. Cardinalis Svmma Casvvm  
Conscientiæ, Sive De Instrvctione Sacerdotvm Lib. VII**

**Toledo, Francisco de**

**Coloniæ Agrippinæ**

3. De impedimento erroris & conditionis.

**urn:nbn:de:hbz:466:1-40916**

nium, quando est signum exterius, & non est interior confusus: quamuis hoc secundum in foro exteriori reputetur matrimonium, qui presumitur consensus interior, sed recte coram Deo non est. Ecclesia tamen iudicat de exterioribus, obidetur ut pro matrimonio, non tamen in foro interiori consensionis, quod vocant forum poli, seu forum Dei. Hac de causis matrimonij.

*De impedimento erroris, & conditionis.*

C A P V T III.

**I**mpedimenta, quæ impediunt contractum hunc matrimonij inter virum & vxorem, sunt in duplice differentia. Quædam sunt talia, quæ non solum vetant quominus attentetur matrimonium, sed, etiam si attentatum fuerit, nullum est matrimonium, & dicuntur impedimenta impeditiva contrahendum, & dirimentia contractum. Quædam alia sunt, quæ prohibent ne contrahatur, tamen, si contractum fuerit tener, & est verum matrimonium; peccauit tamen, qui intentauit contrahere contra impedimentum. De impedimentis prioris generis, quæ nullum faciunt matrimonium, etiam si attentatus sit contractus, loquendum est prius: haec autem sunt multa, quibusdam versibus contenta, quæ talia sunt.

*Error, conditio, votum, cognatio, crimen,  
Cultus disparitas, vis, ordo, ligamen, honestas.  
Si sis affinis, si forte coire nequibus.  
Hæc celebranda vetant connubia, facta retractant.*

Singula horum suo ordine sunt explicanda.

Primum impedimentum est, erroris. Potest autem error & deceptio esse in duobus; aut in substantia personæ, puta, cum coniux putat alterum esse tamē personam, puta Petrum, & non est, Mariam, & non est; sicut Iacob putabat esse Rachel, & erat Lia. Aut potest esse error in qualitate personæ, vt, cunctat, quod sit diues, nobilis, virgo, & non est. Juxta hanc distinctionem.

Dico primò, Error in qualitate personæ non dissoluit matrimonium: v.g. si quis duxit aliquam, existimans eam virginem, & non erat, matrimonium tenet. Rursus, si quis nupti alicui putans esse nobilem & diuitem, & non erat, licet erroris

causa

causa fit ipse coniux, quia se talem esse mentitur, nihilominus matrimonium est verum.

Dico secundo, Error in substantia personæ dirimit contractum: verbi gratia, Maria nubit Petro, existimans esse Ioannem, non est matrimonium; & similiter ex parte viri, si error sit circa personam fœminæ. Vtraque propositio habetur, 29. q.i.cap.1.

Dico tertio; Aliquando error videretur esse circa substantiam, & est circa qualitatem; aliquando sit è contraria: v.g. si qua nubat alicui, putans esse filium Ducis, aut primogenitum, tunc iste error est examinandus: nam potest esse substantiæ, si mulier determinabat Ducem, & patrem, putà, quia putabat esse illam personam, quæ est filius talis Ducis; aut illum, qui est primogenitus talis patris, & tunc nullum est matrimonium: quod si ipsa considerabat in generali Ducem, & patrem, putà, putans illum esse filium Ducis, sicut putabat esse nobilem, aut diuitē, sic & primogenitum, tunc error est in qualitate, & non impedit. Vide Nauar. sum. cap. 22. num. 32.

Secundum impedimentum est cōditionis. Circa quod sunt notandæ quatuor propositiones, per quas resoluuntur, quæ in hac parte accidere possunt.

Prima est: potest esse matrimonium inter seruos inter se, & inter liberos, & seruos: verbi gratia, potest seruus cum serua, vel libera cōtrahere, vel serua cum libero, vel cum seruo. Prior pars, de seruis inter se habetur de cōiugio seruorum. c. i. Posterior pars, de seruo cum libera, habetur 29. quæst. 2. cap. si quis liber. Non solum autem tenet matrimonium annuentibus dominis seruorum, sed etiam ipsis contradicentibus, aut ignorantibus, licet cum discrimine: nam, cum tale matrimonium ex dominorum voluntate contractum est, non potest dominus vendere seruum in locis, ubi impediatur vita coniugalis: at vero cum factum est, ipso ignorantie, vel contradicente, tunc potest vendere, quamvis non debat id facere, absque graui necessitate; sed si faciat, non ob id mortaliter peccabit. Numquam tamen potest impedire thorum illorum, dum præsentes sunt.

Secunda propositio: quoties intercedit error conditionis, tamen non sit deterior, aut nō cloratur conditio errantis, matrimonium tenet: ver. gra. serus ducit seruam, putans esse liberam, matrimonium tenet, quia non sit deterior conditio errantis. Similiter si serua nubat seruo, putans esse liberum,

Rursus, seruus dicit liberam, putans esse seruam; vel serua nupsit libero, putans esse seruum, adhuc est matrimonium, quia melioratur conditio errantis in conditione. Ita habet sententia communis, quam tenet S. Thom. 4.d 36.

Tertia propositio, quando deterior fit conditio errantis, non tenet matrimonium: ver.gra.liber dicit seruam, putans esse liberam, aut libera nubit seruo putans esse liberum, non est matrimonium. Ita habetur c.ad nostram, de coniug.seruo. Limitatur ista propositio a Richardo. 4.d.39. quæst.i.artic.1. & Nauarr.cap.22.num.33. nisi qui errat, sic contrahat, quod esset paratus contrahere, etiam cognita tali conditione seruitutis.

Quarta propositio: si, cognita deteriori conditione post contractum, iterum habet copulam errans affectu maritali, est matrimonium, saltem in foro exteriori, ita haberet cap.2.de coniug.seruorum: ver.gra.liber duxit seruam, putans esse liberam, non est matrimonium, postea sciuit esse seruam, & affectu maritali accessit iterum, est matrimonium. Hic tamen adscite duo.

Vnum est, quod, si post contractum matrimonium cum ista ignorantia dominus manumittat seruum vel seruam, adhuc non est matrimonium, nisi, cognito errore, ille alius iterum consentiat, aut accedat affectu maritali: ver.gra.liber duxit seruam, putans esse liberam, dominus, hoc cognito manumittit seruam, cum qua iterum liber etiam affectu maritali habet copulam, adhuc non est matrimonium, donec error transferatur, & sit nouus consensus aut copula cum maritali affectu. Ita habet Rosella.v. impedimentum 3.5.2. & Nauarr. cap. 22.num.33.

Alterum est, ex eodem Nauarr. quod si liber sciat impedimentum conditionis post contractum, & velit adhuc contrahere, non fit matrimonium, nisi de novo utriusque cedat consensus; potestque alter nolle, & sic nullum erit matrimonium.

Deim-